

Filemɔn

Mbede ká Pol ɗaa ha Filemɔn

Bay ká se tul feri ká ɗo bil mbede ni key

Mbede key na Pol ɗaa bay tul Filemɔn ká ɓa nzoɓ mbika law a ɓa ngerenzoɓ mbiw ká bil puo ká Kolos. Onezim ká ɓa koy Filemɔn na ɗuu gan ɓe. Lεε, nam haɗe munu na, ɓáy Pol í zinj kɪ í lo soro zinj kɪ. Taambol Pol na ze Onezim víke ɓa nzoɓ mbika law. Fale ku le, Pol hii bay yiinra ni ha ni se luo Filemɔn, ze a ɗaa mbede key na a kóɗke Filemɔn bay haɗa ni ka yaa Onezim munu ɓa koy nzoɓ hoy ya, roo le, ka yaa ni munu ɓa yu-ε ká bil Kriɓi.

Máa bayri ká ɗo bil-e

Law ini ɓáy mbika law Filemɔn: 1.1-7

Pol koɗ Filemɔn bay tul Onezim: 1.8-22

Ɔro ɓie bay: 1.23-25

Soko ká Pol hii ha Filemɔn

¹ Yu-i Filemɔn, ɓi Pol ká i mɓa mĩ naa hul sal bay tul peɗ Zezu *Kriɓi, roo yu naari Timote ndaw na, ɓuru ɗaa mbede key na ha mù ɓo ká ɓuru ko mù ɓa nzoɓ nun ɓuru, a mú ɓa ɓaw peɗ ɓuru ndaw na. ² Buru ɗaa ha tinam ɓuru Afiya ndaw, Arisiɓ ká ɓa ɓaw ruy ɓuru ká bil peɗ Kriɓi ndaw, roo nzoɓ mbika lawri ká i mɓu tul kɪ ká bil hul ɓo na ndaw pi. ³ Nɗaɗ bay haɗa

law huoke báy ɔ́ekeke Bǎa naari Ngerewuru báy Ngerembay Zezu Kri si ka sáɔ zɪŋ rǐ.

Law ini báy mbika law Filemɔn

⁴ Yu-i Filemɔn, ká bil nzaa bay kere biri banɔɔ na, mǐ ker se tul-a a mí ɔ́aa taambɔl ha Ngerewuru bi, ⁵ bay ji ɛ, mǐ laa soro bay ini bo ká mù mɔba zɪŋ nzob mbika lawri riw bele, roo báy law-a ká mù ɔ́aa bo tul Ngerembay Zezu na. ⁶ Mǐ kod Ngerewuru bay haɔa mbika law ká ha náa zǔokeri zɪŋ kǐ na ha lereke ka ɔ́o ɔ́i, bay haɔa nun naari ka tán ká tul fe kereri riw bele ká náa zɪŋri báy faa zúo zɪŋ *Kri si. ⁷ Yu-i, ini bo ká mù mɔba na ha mǐ bawda suoriya a ɔ́aa wǎra bo bil law-i, bay ji ɛ, bo na mù huo law nzob mbika lawri na.

Pol kod Filemɔn bay tul Onezim

⁸ Bi na, mǐ ba nzob ndáy nzaaped *Kri si. Munu zu ɛ, mǐ ɔ́o báy hɔrusuo bay mbika nzaa-i ha mù ɔ́aake fe kere, ⁹ roo ɛ, mǐ hii bay kóɔ mù báy faa law ini maa. Munu ká bi Pol ká mǐ ɔ́i táw ndaw, roo timbeɔe mí naa hul sal bay tul Zezu Kri si ndaw na, ¹⁰ mǐ kod mù bay tul Onezim ká vi ba vu-i báy faa law-ɛ ká'a mbi ha Zezu Kri si ká bil hul sal key na. ¹¹ Pola lew na, ka ɔ́o ba nzob ká ɔ́or hɔy ká nun-a, a roo ɛ, timbeɔe key na ka vi ba nzob kere ro bay tul-a ndaw, bay tul-i ndaw pi.

¹² Timbeɔe key na, be ká'a ɔ́o munu ba wǎra law-i na, mǐ ha ni yǐi ba luo-o. ¹³ Bi ɛ, mǐ hii bay hiyeŋ ni ɔ́o lakun-i ha ni suo bol-a, a so mǐ ká bil hul sal ká mǐ naa ɔ́i key bay tul káa Bay Kere na.

14 Roo ɛ, mǐ hii bay d́aa fe b́ay tul-i taŋ haŋa mù zuo ziŋ mǐ ká dǐ ya na ya. Mǐ hii bay haŋa mù d́aa fe kere b́ay law hiiya bo kǐ, bo nzob ka soɔf mù soɔf ká dǐ ya.

15 Ko ya ɛ, wál kǐ bo b́ay Onezim na, a d́aa nam ndǐi hoy bay haŋa bo, ka yǐi a v́aa ziŋ mù a káw ziŋ mù wǔm. 16 Tusueke ɛ, timbeɔe key na ka ba koy hoy mbáa, roo ɛ, ka ba nzob kere ká kal tul koy nzob na kal, a vi ba yu naari ká náa hiiri ni ngǐi bamba tasiri. Bi na ɛ, mǐ hii ni bamba, roo ɛ, bo na, do nun haŋa mù hii ni kal mǐ pavbaɔ, bay ǐi ɛ, ka vi ba nzob soko mù taa tusueke, roo a ba yu-o ká bil Krisi ndaw na.

17 Ze bo, mù ko mǐ ba nzob buo ba tusue, roo zadka'a tǐi luo ɛ, mu yaa ni b́ay law kere, munu ká mù yáake mǐ na. 18 A ze, ba na fe bo ze ka bie, mase mbol bo ze do tul-e hoy kara, mu d́aa mbolke na ka do tul-i. 19 Bay key na, ba bi sùo-i kǐ ze mǐ vbie b́ay nduo-i do mbede key: bi Pol na kǐ ze mǐ púo mù mbol fekeri na b́ay. Roo ɛ, do nun haŋa mu yǐiŋra bay mbol bi ká do tul-a ká ba law-a ká mù mbi ha Zezu Krisi b́ay faa káa Bay Kere ká mǐ kaa na ya. 20 Ze yu-i, kóɔf nguɔ hoy, mu d́aa fe ká mǐ vbi mù key na ha mǐ b́ay law ini Ngerembay, a mú huɔ law-i munu ká naa ba yu kǐ ká bil Krisi.

21 Mǐ d́aa mbede key na ha mù, mí ko ta-taŋ mii, bo na mù d́aa feke. Mù d́aa kal zaɔe ká mǐ vbi mù ku na robay. 22 Robay, mu léke hul nam ka giyaŋ mǐ, bay ǐi ɛ, b́ay faa nzaa bay kere ká ì d́aa na, mǐ ko ɛ, waka ya hoy Ngerewuru a yǐiŋra mǐ se luo-rǐ ba kǐ robay.

Ɔro bie soko

²³ Epafaras ká naa hul sal zinj mǐ bay tul ped Zezu *Krisi na hii soko ha mù. ²⁴ Marki báy Arisitak báy Demas roo Luku, bari ká i ba bǎw ped biri na kara, i hii soko ha mù ndaw.

²⁵ Ndad bay haɲa law huoke Ngerembay Zezu Krisi ka sád zinj rǐ.

Mbede sáka kuni fie
New Testament in Kuo

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 22 Feb 2024 from source
files dated 29 Jan 2022

1bae8b8b-6141-55e9-b352-adf7a01da5f4